

't **Limburgs**  
**Vastelaovesleedjes**  
**Konkoer**



***Finale***

***vriedig 6 fibrewari 1998***

***Sporthal Boshoven, Weert***

# Deloitte & Touche



Accountants en  
Belastingadviseurs  
Postbus 148  
6000 AC Weert



## Dommelsch<sup>®</sup> Bier



## JONGEN

Bouwbedrijven Jongen BV



Drankenhandel van Dooren

Rumoldusstraat 1 - 3 -5, 6001 VV Weert  
Tel. 0495 - 53 23 86 b.g.g. 0495 - 53 61 65  
Fax 0495 - 53 95 28

# Wilma



## 2 x 11 kier Finale vaan 't Limburgs Vastelaovesleedjes Konkoer

*Vaan harte welkom bij 'ne prachtige, gezellige, sfeervolle, spannende finale-aovend vaan 't Konkoer 1998. Dit weurt netuurlik meugelik gemaak door de manjefieke ambiance die door De Rogstaekers in de sporthal Bosseve is gecreëerd en die de slogan langs d'n otoweeg "laot Weert neet links/rechts ligke" biezunder oonderstriep. Ouch 't geweldig orkes Copperband Moorland zal 'n belangrieke bijdrage hijjtow lievere. Meh 't mies belangriek zien netuurlik toch de 19 finale-leedsjes die door "'t volk" oetverkore zien oet 't prachtige aanbod wat veer dit jaor weer gehad hóbbe. Naor deze aovend tow is ouch al vööl werk verrieched door hiel vööl luij, eder op hun eige meneer, zoe wie de hoofzjurie, 't sikkertariaat, de mètwèrkers vaan d'n Umroop, vaan de gezètte, alle luij die bonne ingesjik hóbbe en gaank zoe mer wejjer.*

*'t Bestuur vaan de Stiechting 't Limburgs Vastelaovesleedjes Konkoer vint 't biezunder um dit te hóbbe kinne bewèrreke, allemaol veur de promotie vaan dat Limburgs bezit: 'n riekdom aon eige leedsjes vaan gooj kwaliteit die veer gere mèt de vastelaovend gebruke um us te ammezere.*

*22 Jaor is dat weer gelök, de lèste 11 jaor mèt Umroop Limburg. De echte "doorbraak" is in dees' 11 jaor tot stand gekoume boemèt ouch 't belang vaan 't medium radio dudelik gewore is. De rol vaan rizzjenale TV is dit jaor flink aongezat meh zal nog mote goon blieke.*

*In de 22 jaor is vööl en 'n in umvaank stèeds greujende poorsie werk verrieched. 't Is zoe vööl gewore tot 't zonder de oondersteuning vaan professionals vaanoet de us oondersteunende bedrieve en instèllinge en vaan plaatselike organisaties veur de finale-aovend, neet mie rónnd te kriege zow zien. Ouch de morele en actieve oondersteuning vaanoet de Bond van Carnavalsverenigingen in Limburg (BCL) en de Samewirkende Limburgse Vastelaovesvereniginge (SLV) wèlle veer heijbij zeker neet oonvermeld laote.*

*Maag deze aovend veur ederein 'n apotheose zien boemèt 't zjubeleij vaan 't LVK aofgerónd kin weure mèt es groete winnaar de Limburgse vastelaovesmeziek dee heij riekelik gerepresenteerd weurt door de makers en presentaties vaan de 19 leedjes.*

**Chrit Leenders,**

*veurzitter Stiechting 't Limburgs Vastelaovesleedjes Konkoer*





## Limburgs Vastelaovundj Lidjes Konkours

*In onze stad weet iedereen dat de Rogstaekers organisatoren van formaat zijn. Met name de jaarlijkse optocht is daarvan een voorbeeld.*

*Nadat vorig jaar in Weert de uitreiking van de Orde van de Gulden Humor aan Jack Poels van Rôwwen Hèze plaatsvond, is de reputatie van de Weerter Vastelaovundj Vereniging in heel Limburg gevestigd. Als gemeentebestuur zijn wij er zeer door vereerd dat de organiserende stichting LVK en Omroep Limburg er voor gekozen hebben de jubileumuitgave van het "Lidjes Konkours" in Weert te laten plaatsvinden.*



*Gezien de ervaring van de Rogstaekers zal de organisatie ongetwijfeld een goed verloop hebben. Ook voor de uitvoerende artiesten is het van belang om voor een gemotiveerd en deskundig publiek te kunnen optreden. Onze stad kent een keur aan koren en muziekgezelschappen. Zeer veel Weertenaren zijn in en buiten het carnavalsseizoen op muzikaal gebied actief.*

*Ik ben ervan overtuigd dat mede hierdoor een ambiance wordt geschapen waarin de optredende artiesten tot optimale prestaties zullen komen. Aan het eind van de avond kan er maar één winnaar zijn. In de geest van de "vastelaovundj" is het echter niet belangrijk om te winnen, maar belangrijker om mée te doen. In Weert wordt dan gezegd: "Vör de lôl en de flauwekul". Heel Limburg zal dankzij de media ongetwijfeld getuige kunnen zijn van een prachtig "Lidjes Konkours".*

*De juryleden wens ik veel wijsheid toe en alle deelnemers en toeschouwers een prachtige avond. De Rogstaekers leveren hiermee opnieuw een bijdrage aan de uitstraling van Weert, waarin de volkscultuur een belangrijke plaats inneemt.*

**L.B.M. van Maaren - van Balen**  
Burgemeester Weert



## V.V. de Rogstaekers Wieert

*Eeder jaor organizeertj de stichting L.V.K. (Limburgs Vastelaovesleedjes-Konkoer) in samewêrking met Omroep Limburg de uutverkeezing van de Limburgse Vastelaovundjschlager.*

*Uut hoongerde inzendinge waere doer middel van vak- en publiekzjuries dre-j vuerrondus en ein finale gehaoje. De finaleplaatse wisselt tösse Noerd- Midde- en Zuid Limburg. Tiedus de vuerrondus vingt t'r promossi e plaats via Omroep Limburg.*

*Gezeen de geweldjige geslaagdje Gulden Humor Utreiking op 30 november 1996 es Wieert en met name V.V. de Rogstaekers gevraogt de plaatse-lukke organizâsie op zich te neme.*

*Uut ervaring in ânger plaatse wieete vae det diees finale-aovundje un groet sukses zeen met unne groete towloup van minse uut hieel Limburg.*

*Omroep Limburg zal op daen aovundj zörrige vör un rechtstreekse radiouutzending en zal daonaeve nog un tillevisiereportage make van ongeveer oongerhälluf oor, waat twiee daag later zal waere uitgezonde.*

*Vae zeen bli-j uch op dieezen aovundj te moge begroete en weense uch dan auch unne hieele plezerige en muzikale aovundj tow !!*

*Gaer tot 6 fibberwarie 1998 in Sporthal Bosseve Wieert.*

### V.V. de Rogstaekers Wieert

Stichting Limburgs Lidjeskonkoers 1998

Harry Meeuwissen,  
Vuuerzitter.



*De Rogstaekers*



## ES 'T MÖRGE GISTER WAAS

Tekst : Hugo Luyten

Gerard van der Heul

Meziek : Hugo Luyten

Artiesten: Hugo Luyten

Gerard van der Heul

Plaats : Heel

### **Refrein (2X)**

Gein gegreis gein gegraas, es 't mörge gister waas,  
want ich krieg 't neet op ein rie.  
D'r ging ós niks langs de naas, es 't mörge gister waas,  
en den pakdje ich mich gistermörge vriej.

### **Couplet**

Den wis ich gister al  
waat vandaag gebäöre zal  
Wiene ich nao hoes mós gaon,  
óm mörgevreug fris op te sjtaon.  
Ich wis waem nog van mich heel,  
kós mich ligke vāör ich veel.  
Ich wis gister al hieël bliej:  
mörge bōn ich t'r weer bie.

### **Refrein (2X)**

### **Couplet**

Dinsdig nach, det hae dach,  
waem haaj det van hem verwach.  
Nondepie, zach ós Lewie,  
de vastelaovendj is vāörbiej.  
En al sjeit den volgendj jaor,  
ederein weer keurig klaor,  
es 't mörge gister waas,  
waas vandaag de Prins de baas.

### **Refrein (2X)**



## SAME DOERT MER A EVE

Tekst : Ben Erkens  
Meziek : Ben Erkens

Artiest : Ben Erkens  
Plaats : Geleen

### Couplet

*Sóms zeen d'r van die tieje  
Nae, dan kènste neet vööl lieje  
Me veult zich óngelökkig en allein  
D'r is mer ein remedie  
Kóm, sjei oet mit die kommedie!  
En dènk mer zoa: Dat haet toch jederein  
Nao wèntjer kump weer lente  
Dus wat maakse dich toch drök  
D'r zeen zoa vööl momente  
van get leefde en gelök...*

### Refrein

*Same, och dat doert mer aeve  
Same geit zoa sjnel veurbiej  
Genete van et laeve  
Dat deiste noe en hiej  
Same, hiej mit dich te laeve  
Same, druime zie aan zie  
Ich weit et doert mer aeve  
Gelök geit gauw veurbiej*

### Couplet

*Mer ach, d'r zeen auch tieje  
Jao, dan bèsse weer dae blieje  
Zónger zörg en ozel aan de kop  
Neet meè neij en nökkig  
Veuls dich vriej en zeelsgelökkig  
en lachs óm dien verdreet en dien getob  
Dan sjient de zón, 't is lente!  
Tied van de leefde en gelök  
Geneet van die momente  
want ze kómme noaits meè trök!*

### Refrein

### Couplet

*Dus laot dich neet gauw kènne  
Laot et laeve dich verwènne  
Biej alles waste deis en waste leès  
Laot de leefde dich ómerme  
en gelök dien hart verwerme  
Jao, maak van jedere daag e luchtig feès  
Want alles waste angere geufs  
aan leefde en gelök  
Dat bèste ech neet kwiet  
et kump vanzelf weer nao dich trök..*

### Refrein





## LEEVE SCHAT

Tekst : Gaston Jacobs  
Marij Verhaag en Theo Sturme  
Meziek : Gaston Jacobs

Artiesten: Thei & Marij  
Plaats : Tegelen

### **Refrein**

*Leeve schat, kom met mich danse  
want dit denske det is veur mich  
Leeve schat, kom met mich walse  
want dit welske gaef ik dich  
Gans os Limburg geit wir walse  
dreej daag dreijt de waereld rond  
Want det is met vastelaovend  
toch zoë lekker en gezond  
Want det is met vastelaovend  
toch zoë lekker en gezond*

### **Couplet**

*Ik weit nog wie 't vruuger waas  
ik stond aan 't buffet  
en ging 't orkes wir speule  
dan woort door mich opgelet  
ik zoog dien blauwe auge  
dao in det schoën gezich  
dus leep ik vlot nao veure  
en zag toen taege dich*

### **Couplet**

*En as we strakkes ald ziën  
en zitte dan same thoës  
beejein dao op ein benkske  
dien hand leet in mien voës  
weej hebbe al grieze haor dan  
en vaaje in os gezich  
maar wuurt 't vastelaovend  
dan zeg ik taege dich*



## DAT IS D'R VASTELAOVEND HIE BIEJ OS!

Tekst : Hans Sterk  
Meziek : Hans Sterk

Artiesten : Circus Vastelaovend  
Plaats : Hoensbroek

### Refrein

*Hie in oos narrenriek, is toch jieëkerein gelieëk  
dat is d'r vastelaovend hie biej os,  
jao doeër oos narrenblood, sjtreumt de sjpas nog ummer good  
dat is d'r vastelaovend hie biej os.  
Want alle miensje groeët e klein, sjtaon hie neet allein  
ze pakke zich hie same e sjlaon de erm inein.  
Hie in oos narrenriek is toch jieëkeree gelieëk  
dat is d'r vastelaovend hie biej os,  
jao doeër oos narrenblood, sjtreumt de sjpas nog ummer good  
dat is d'r vastelaovend hie biej os.*

### Couplet

*Aeve, 'ns lekker laeve  
dat is oos motto vuur de vastelaovestied  
same, de sjpas belaeve  
jao daova kriegste besjilis gaen sjpiet...*

### Couplet

*Biste, hie ooch gebaore  
dan höbste noe 'n läötje oet de laoterie  
sjnap dan, drie daag dien kansse  
zitste vazelf op de ieërste rie...*

### Couplet

*Zurge, laot die vuur murge  
vier höbbe drie daag langk de sjpas vuur uch besjtèld  
laot os, noe mer geneete  
dat kos dich hie besjilis gein geld...*





## " 'T ALLERLETSTE MUNTJE "

Tekst : Jack Linssen  
Meziek : Jack Linssen

Artiesten: Koor 25 plus  
Plaats : Reuver

### **Refrein**

*Dit is 't allerlétste muntje  
en den is 't weer gedaon.  
Ich gaef mich zelluf nag ein rundje  
veurdet ich nao hoës toe gaon.  
'n Létste sjluukske veur 't sjlaope  
en jao 't is net wie ze zaes.  
Want morges vreug den blief-se haope  
det 't neet de létste is gewaes.*

### **Couplet**

*Hae zoot dao get te wazele maar nemus zoog 'm sjtaon,  
toet det d'r eine haaj gezag: "doe kens mer baeter gaon".  
Hae pakde zich de jas en zag: "ich zijweef wie ein ballôn"  
toen vong d'r in de binne-tes nag EIN konsumpsiej-bôn.  
Hae reep taegde de res....."ich hōb alweer sukses".*

### **Couplet**

*De daag dae waar allang veurbiej 't ganse dörp det sjleep,  
toen hae nag midde in de nach allein nao hoës toe leep.  
En wie d'r veur de veurdeur sjtông en nao de sjleutel zôch,  
toen reep zien vrouw van binne-oëjtj: "kries doe den noëtjs genôg".  
En door de breve-bös.....zông hae vol laeveslös.....*



## MOMMEGEZICH

Tekst : Frank Dullens  
Meziek : Frank Dullens

Artiesten: Onneuëzel tot de mach 3  
Plaats : Susteren

### **Couplet**

*Dien mómmegezich det lachde nao mich  
ich weit det nog hieël good  
dien lang sjloek haor jao det woor,  
verborge in diene hood  
èt woor bieëstig kauwt die nach  
toch kreeg ich èt benauwd die nach*

### **Refrein**

*Brèng mich, brèng mich,  
nao hoes zags dich,  
van achter dien neuëzel mómmegezich  
Brèng mich, brèng mich,  
nao hoes zags dich  
en de zijweit brook oet bie mich.*

### **Couplet**

*Jao, tot miene sjpiet zags doe èt is tied,  
ich mòt noe ech eweg,  
ich zag, des egaal ich breng dich waal  
get kauw lóch is neet sjlech,  
dien mómmegezich, dae lach nao mich,  
went det haste verwach van mich.*

### **Refrein**

### **Couplet**

*Weer ginge op paad, hieël vreug dus laat,  
de nach die kreeg zien kleuër,  
mer ich pollesaot, koos toch die sjtraot,  
sjtóng veur mien eige deur,  
dien waore gezich det lachde nao mich,  
went det gezich woor de mam van mich.*

### **Refrein**

**Refrein 2x la, la, la**



## **TIEN VINGERS IN DE LOCH !**

Tekst : Bert & Ursula Garnier  
Meziek : Bert & Ursula Garnier

Artiesten: Ziesjoem  
Plaats : Maastricht

### **Refrein (2x)**

*Tien vingers in de loch !  
De veuj weer vaan de grond.  
De res dat kump vaan zèllef.  
Iech dans weer in 't roond.  
Twie bein vaan èllestik,  
en in mien heup zit 'ne knik.  
M'n neus die loop iech drei daog nao.  
Jao, zoe geit dat eine kier per jaor.*

### **Couplet**

*Iech bin boete aosem.  
M'n tong hingk op de grond.  
Iech kin gei bruudsje mie zègke.  
Iech hōb 'ne druuge moond.  
Miene rōk dee is gebroke,  
Toch bin iech zoe verkoch.  
Zeen iech 'n hermenie veurbei goon,  
Staan iech mèt tien vingers in de loch !*

### **Refrein (3x)**



## VASTELAOVESKLEURE

Tekst : Wil Scheepers

Artiesten : Get en ein Bietje  
Yvonne Scheepers en  
Marjon Kanders)

Meziek : Wim Schreurs

Plaats : Maasniel

### **Refrein**

*vastelaovend, rood, gael, greun  
det is veur os toch heel geweun  
't zeen de kleure van 't laeve  
die de aerd os haet gegaeve  
mosse kieke, vergelieke  
de ein nog sjoner es de anger  
twiefel of ich get veranger  
waerd 't rood, waerd 't gael of waerd 't greun*

### **Couplet**

*de kleur is rood, die is heel sjoon  
zo is 't naeske van de kloon  
nog rojer es ein hötje moos  
ein keerseflaai in bekkersdoos  
zo heurt det rood d'r zeker bie  
in det rieke van dees drie*

### **Couplet**

*de kleur is gael, zo sjoon es goud  
ein herfsblaad van 't eikehout  
zo sjient de kleur van bokesmael  
taege 't leech ein bietje gael  
zo heurt det gael d'r zeker bie  
in det rieke van dees drie .*

### **Couplet**

*de kleur is greun, kiek langs de maas  
d'r is gein sjoner kleur veur graas  
ouch in 't lintje vianne meun  
dao zit 't vastelaovesgreun  
zo heurt det greun d'r zeker bie  
in det rieke van dees drie*



## SCOREBORD

	<i>Blerick</i>	<i>Vaals</i>	<i>Geleen</i>	<i>Maaseik</i>	<i>Roermond</i>	<i>Gulpen</i>	<i>Eindstand</i>
1. <i>Es 't morge gister waas (Heel)</i>							
2. <i>Same doert mar aeve (Geleen)</i>							
3. <i>Leeve schat (Tegelen)</i>							
4. <i>Dat is d'r vastelaovend (Hoensbroek)</i>							
5. <i>Laot ôs mar gewaere (Venlo)</i>							
6. <i>'t Allerletste muntje (Reuver)</i>							
7. <i>Mómmegezich (Susteren)</i>							
8. <i>Tien vingers in de loch (Maastricht)</i>							
9. <i>Vastelaoveskleure (Maasniel)</i>							
10. <i>Gek op vastelaovend (Hoensbroek)</i>							
11. <i>Laeve 't laeve (Tegelen)</i>							
12. <i>De haan (Beesel)</i>							
13. <i>Pak miech vas en drej mèt miech (Maastricht)</i>							
14. <i>Wat maaktj 't oêt ...? (Heel)</i>							
15. <i>Ich loup mien naas nao Geleen-Lindenheuvel</i>							
16. <i>Nao mich nao hoës (Belfeld)</i>							
17. <i>Mèt vastenaovend gebaore (Kessel)</i>							
18. <i>Trômme (Venlo)</i>							
19. <i>Opzie, Opzie, Opzie (Ulestraten)</i>							





## GEK OP VASTELAOVEND

Tekst : Ger Cordewener  
Meziek : Ger Cordewener

Artiesten : Sjtom Tuuën  
Plaats : Hoensbroek

### Couplet

*Pien in d'r kop, dat klopt en huuërt neet op  
(Koor) Is dat noe carnaval ?  
Nao 'n tuutje friet, bie d'r frietepiet, de zukke kwiet !  
(Koor) Wat 'nne sjtomme kal !*

### Refrein

*Vastelaovend. (Jodelahiti) Vier zind zoeë gek op vastelaovend (Koekoek).  
Vastelaovend (Jodelahiti) Vier zind zoeë gek op carnaval, sjeële kal,  
uuëveral, auwwieverbal.*

### Couplet

*Jieëkere daag, sjtuk in d'r kraag, pien aan d'r maag  
(Koor) Is dat noe carnaval ?  
Sjtuk in d'r boam ? Wat unne aom ! Sjoarma-kroom !  
(Koor) Wat 'nne sjtomme kal.*

**Refrein**

### Couplet

*Ram kapot, neeët mieë zoeë flot, W.C. op sjlot !  
(Koor) Is dat noe carnaval ?  
Marie-Therèse, klopt mayonaise, op Rowen Hezze.  
(Koor) Wat 'nne sjtomme kal.*

**Refrein**

### Couplet

*'nne Moelejaan, sjtuk in de vaan, hilt zich mer draan !  
(Koor) Is dat noe carnaval ?  
Noa ein auwt-wief, pien in gelief, de bakke sjtief.  
(Koor) Wat 'nne sjtomme kal.*

**Refrein**

### Couplet

*Deeë zeivereer, deeë zeivert weer, rech in dien beer !  
(Koor) Is dat noe carnaval ?  
'nne Knoeveleer, deeë knoeëvelt geer, mit u knoeveldeer  
(Koor) Wat 'nne sjtomme kal.*

**Refrein**

### Slot

*Mer dat is mit de vastelaovend, alweer elluf moand v'rbie.  
Dan is de koppien al gaon ligge en de pien weer oet gelief.  
Alle bein die sjtaon op sjpreenge, d'r kump sjtiemung in de boet.  
Lekker valsj, dat is pas zeenge, de amand'le knalle droet !  
Jekerein danst polonaise, os Gebrook dat is te klein.  
En es nieks mieë te besjtelle vilt, dan drinke vier nog ein.  
D'r maag dae kint weer al verdrage,  
van auwt-wief tot nasi-bal, alles sjmakt noa vastelaovend, dat is car-na-val !*



## LAEVE 'T LAEVE

Tekst : Peter v.d. Akker  
Meziek : Peter v.d. Akker

Artiesten: Thei & Marij  
Plaats : Tegelen

### **Couplet**

*Ruúke weej de vastelaovesgeur,  
dan aöpent zich weer eed're deur.  
Nae dan is t'r ech gèn halde aan,  
weej gaon d'r achteraan.  
Dan zègge weej terech,  
weej goéje dit neet zoëmaar weg....*

### **Refrein**

*Weej gaeve dit laeve  
neet zoëmaar oet hand.  
Weej halde 't vas,  
zoëlang ôs det pas.  
Weej laeve dit laeve,  
zoëlang as maar kan.  
Want weej, jao weej halde dao zoë van.*

### **Couplet**

*As weej weer veur 'n kefeeke staon,  
wao neemus aan veurbeej kin gaon.  
Jao dan zeuke weej ôs stap veur stap,  
de waeg wiès aan d'n tap.  
Dan zègge weej terech,  
weej goéje dit neet zoëmaar weg.....*



## DE HAAN

Tekst : Arnold Wassen  
Meziek : Arnold Wassen

Artiesten: Duo die dao en de Drakevillers  
Plaats : Beesel

### Couplet

*Eine haan dae ging 'ns buurte in ein kiepehok ...  
(want geur weit det eine haan 't leefs mèt kiepe hok)  
... en zag: "Doot 'ns eine traej nao veure,  
zoeëdet ich uch kèn keure.  
En de kiep woevan ich dalik achtereuver val  
is de allerbèste kiep van deze kiepesjtal.  
Die moog kieke wat ich kèn as ich de ren in ren."*

### Couplet

*Ein ein zzwarte kiep die zag: "Dae haan dae is neet gek....  
Want ich zit hiej maar te roeste op dae kiepesjtæk;  
Bèste haan, hiej zit ein hieël goej raeje  
óm dich èns te vertraeje.  
Zónne haan det liek mich eemes dae mich drek begriep  
eine dae gaer zzwarte kiepe in 't duuster kniep.  
Dae krieg ich waal ómgepraot, want ich waer advocaot!"*

### Couplet

*Maar .... Die witte kiepe waerde toen geweldig kwaod  
en ze zagte: "Ouch veur zeuke eine kameraod;  
ouch de witte kiepe zien aparte  
al zien 't auch gèn zzwarte!"  
En de haan dach; "Veurdet ich d'r hiej waer oetgesjtamp,  
sjaer ich alle kiepe euver eine hanekamp".  
En 't ganse kiepehok det zóng toen: "Tok, tok, tok".*

### Refrein

*En de haan zag: "As ich ómkiep, kiep, )  
as ich ómkiep, kiep, as ich ómkiep, kiep",) 2x  
en de haan zag: "As ich ómkiep, kiep, )  
den bös-se ech mien tiep".. )*



## PAK MIECH VAS EN DREJ MÈT MIECH

Tekst : John Thoma  
Meziek : John Thoma

Artiesten: Duo Ammezasia  
Plaats : Maastricht

### **Refrein**

*Pak miech vas en drej mèt miech,  
daan dans iech dee wals mèt diech.  
'N linker en 'n rechter hand  
same noe aon eine kant.  
'T liefste in de drijjkwaartsmaot  
dans iech miech gans oet de naod.  
'T walse zit m'ch in 't blood.  
Es iech wals daan veul iech miech zoe good.*

### **Couplet**

*Iech hoof geine foxtrot, en ouch geine cha-cha.  
Iech dans neet d'n disco, en neet de lambada,  
mer bijj 't huure vaan de wals  
griep iech weer miene kans,  
op 'n wollek veul iech miech  
es iech daan zweef mèt diech.*

### **Refrein**

*Pak miech vas en drej mèt miech,  
daan dans iech dee wals mèt diech.  
'N linker en 'n rechter hand  
same noe aon eine kant.  
'T liefste in de drijjkwaartsmaot  
dans iech miech gans oet de naod.  
'T walse zit m'ch in 't blood.  
Es iech wals daan veul iech miech zoe good.*



## "WAAT MAAKTJ 'T OËT..!"

Tekst : Tjeu Ramakers  
Meziek : Lei Ramakers

Artiesten : De Seurama's  
Plaats : Heel

### Refrein

*"Waat maaktj 't oet  
waat maaktj 't noe toch oët,  
laot ós nog aeve, get belaeve,  
want vreug of laat, hóbbe wae oos erte oët  
en den is niks mieër te numme of te gaeve;  
Och pak mich vast, wae zeen noe nog bieje-ein  
allein mèt dich haoj ich mich hiej nog oppe bein!* ) 2 x

### Couplet

*Mien vrouw die hieët ein lila aetservies  
det sjteit j al jaore achter glaas.  
Väördet mien vrouw det oets gebroëke zal  
geitj hieël get water door de maas;  
Noe vèltj mich gister ..ochgotochgot  
ein lila tas en ouch ein sjuttelke kepot..;*

### Couplet

*Dae aodste jóng van ós dae trómtj zoeë-gaer  
mèt vastelaovendj..daag en nach,  
ziën maedje hieët hem boëte opp sjtoep  
de wach toe duchtig aangezag:  
Noe kónse keze: die tróm of mich..  
toen zóng dae jóng en ouch nog rech in ziën gezich..;*



## ICH LOUP MIEN NAAS NAO

Tekst : Herman Geenen  
Meziek : Huub Lemmens

Artiesten : Trio Bie-ein-geraap  
Plaats : Geleen-Lindenheuvel

### **Couplet**

*Lèts laog ich weer te sjnotere  
want al leep in de sop.  
Te kume en te knotere,  
de koaj veel oppe kop.  
Doe dach ich wètste waste deis,  
ich kniep d'r tössjenoet.  
Want esse dao echt sjtil bie jsteis,  
dan kumste neet veuroet.  
  
Ich nok 'ns effe aaf,  
bekiek 't mer, alaaf.*

### **Refrein**

*Ich loup mien naas nao,  
dan kump de vôt van allein.  
Ich zeen waal wo ich lanj,  
zoa raap ich mich biejein.  
Ich loup mien naas nao,  
dan kump de vôt van allein.  
Versjtandj op nul,  
't löp wiej ennen trein.  
  
Noe sjtank dao neet te kieke,  
en kòm d'r aeve bie j.  
Dan sjtaek v'r mit z'n alle  
de naze nao ein zie j.  
  
Ich loup mien naas nao,  
dan kump de vôt van allein.  
Dat hilt dich oppe bein.*

### **Couplet**

*Geneet d'r van, zoalang 't geit,  
me laef mer eine keer.  
En wat d'n daag van mörge deit,  
dat zeen v'r dan waal weer.  
Mit prakkezere kumste van  
de raenge in d'n dröp.  
Dus laot mer lekker loupe dan,  
't löp toch wiej 't löp.  
  
Ich nok 'ns effe aaf,  
bekiek 't mer, alaaf.*

### **Refrein (2x)**



## NAO MICH NAO HOËS

Tekst : Susanne van Bree

Artiesten : Vilma-Houba, Bert Wilbers  
Koor "de Kuumers"

Meziek : Susanne van Bree

Plaats : Belfeld

### Couplet

*Wie 't kèn zôl ich neet weite,  
en dèt mak auch gaar niks oët;  
maar ich gaon mèt meujte pleite,  
ich huür neet de lètste toët !  
Wao of ich bön,  
dèt is egaal:  
Ich bön de kloon van de ganse zaal !  
En ich flaneer,  
door alles haer,  
sjpraek Vastelaoves-taal !*

### Refrein

*Wae zal d'r nao mich nao hoës toegaon ?  
Of zal ich zellef wir as allerlètste nag heej staon ?  
Wae haolt mich in,  
en bliéf wiés môrgevruúg ?  
Ich dingk nemes,  
want ich waer 't heej nag lang neet muúg !  
Wae zal d'r nao mich nao hoës toegaon,  
as de maon allang aan 't druime is gegaon ?  
Ich bön 'n biétje gek,  
dèt ich 't nów al heb gehad,  
jao, ich zôl vanalles misse,  
wat ich thoës nów èch neet had !*

### Couplet

*Kôm ich laat in 'n kefeeke,  
jao, dèn weit geej van besjeit,  
sjtaon ich drèk al aan d'n teeke,  
mèt 'n pilske, wie dèt geit !  
En babbel bliéf,  
mèt dae en die,  
en sjoët mich aan in die traöte-riéf !  
Praot van vanalles,  
en nag vuül miër,  
Vader Tiéd löp röstig wiër .....*

*(nao lètste keer refrein)  
Nae, ich gaon nag neet,  
nae, ich gaon nag neet,  
nae, ich gaon nee nao hoës !*



## MÈT VASTENAOVEND GEBAOORE

Tekst : Mart van Knippenberg  
Meziek : John Timmermans

Artiesten : Annette Hanssen en de Kevers  
Plaats : Kessel

### Refrein

*Bès ze mèt vastenaovend gebaore,  
den bès ze huël good aaf, zelfs oëtverkaore.  
Jao det geveul kèn nemes verklaore,  
un vastenaoveskindj te moge zien.  
't Leefs zooj ze drie daag lang aan ein sjtúk danse.  
Al drek vanaaf 't begin haes doë goeje zin.  
Doë hès neet van half wèrk, mer van 't ganse.  
Veur dich is idder einde un begin.  
Bès ze mèt vastenaovend gebaore,  
den bès ze huël good aaf, zelfs oëtverkaore.  
Jao det geveul kèn nemes verklaore,  
un vastenaoveskindj te moge zien.*

### Couplet

*Huër ich unne samba, krieg ich unne sjeut.  
Kèn ich neet miër sjtil sjtaon, krieble mich weer ens de veut.  
Môt mer blieve sjurve, môt mer blieve gaon.  
Det is get as ze eg neet miër sjtil kèns blieve sjtaon.*

### Refrein

### Couplet

*Zuuse miense danse, duit dich det zoë good.  
Al det gesjpektakel is zoë good veur mien gemood.  
As der get te doon is, bèn ich der lich bieje.  
Wao ich kòm is op tiëd laeve in de brouwerie.*

### Refrein





## TRÔMME

Tekst : Frans Boermans  
Meziek : Wim Roeffen

Artiesten: Mai Anröchte, Frans Driessen  
Plaats : Venlo

### Couplet

Weej hebbe - ôzze slinger  
't Meis aan waat neet maag  
Det zien dôk - dôfte dinger  
Die doon weej met bedraag  
Weej make gaer oet gekkigheid  
Ein leweit det 't vergeit:

### Refrein

Trômme op de telders met 't mets en de verket  
En klatse met d'n deksel op de pan  
Lekker zitte stampe met de veut op 't kerpet  
En zoë hard as 't maar kan  
Zien we dan nog neet oetgespoes  
Dan houwe we op de taofel met de voes  
Trômme op de telders met 't mets en de verket  
D'r is niks leukers, dan det..

### Couplet

Mam ging lets - met de kinder  
ens nao ein restaurant  
Braaf kinder - miër of minder  
Die ote oet eur hand  
Ze ware aevel klamp pas klaor  
Of dae ging 't loos, ech waar:

### Couplet

Ein hiël stel - presidente  
beejein in Holt-Paries  
Dineerde van ôs cente  
en ote zich de mies  
D'n hoëgste Piet dae noom 't woord  
"Hiep hoera, we zien akkoord"



## **OPZIE, OPZIE, OPZIE**

Tekst : Gaston Jacobs  
Meziek : Gaston Jacobs

Artiesten: Gaston en zien vrung  
Plaats : Ulestraten

### **Refrein**

*Opzie, opzie, opzie, hie kump 'n ganse rie.  
Kom sjuuf en laot os door, want et is zwa twellef oor.  
En wilt ger mêt os mêt, jao dat is nao ozze zin,  
dan sjeet mêt achteraan of gwajt uch noe midde drin.  
Opzie, opzie, opzie, hie kump 'n ganse rie.  
Kom sjuuf en laot os door, want et is zwa twellef oor.*

### **Couplet**

*Noe zuug os hie weer loupe, zwa lekker achterein.  
En kilomêters vrete, ver goon wie enne trein.  
Et is mêt daag en aovend, dus motte v'r veuroet,  
Os lief héèt zwa nwjeddig, want dê lui-je zweit mot droet.*

### **Refrein**


*Opzie, opzie, opzie, hie kump 'n ganse rie.  
Kom sjuuf en laot os door, want et is zwa twellef oor.  
En wilt ger mêt, jao dat is nao ozze zin,  
dan sjeet mêt achteraan of gwajt uch noe midde drin.  
Opzie, opzie, opzie, hie kump 'n ganse rie.  
Kom sjuuf en laot os door, want et is zwa twellef oor.*

### **Couplet**

*Kom laot de boel mêt loupe, paot wie et lûp.  
Van links nao rechts omwhag die bein, nao veur en auch weer trûk.  
Et is veul later es ger dink, dus wêt ger wat ver doon,  
Tot esjlegoonsdig blieve veer zwa ummer wiejer goon.*

### **Refrein**

*Opzie, opzie, opzie, hie kump 'n ganse rie.  
Kom sjuuf en laot os door, want et is zwa twellef oor.  
En wilt ger mêt os mêt, jao dat is nao ozze zin,  
dan sjeet mêt achteraan of gwajt uch noe midde drin.  
Opzie, opzie, opzie, hie kump 'n ganse rie.  
Kom sjuuf en laot os door, want et is zwa twellef oor.  
Opzie, opzie, opzie os mêtlloupe  
Kom sjuuf en laot os door, want et is zwa twellef oor.*





## **CBM - Copperband Moorland**

*Nao 't geweldjige sukses van 't Gulden Humor Gala in 1997, woe Copperband Moorland uut Wieert vól Limburgse artieste begeleidje, es diees band auch now gevraogt um 't "rândgebuure" in te vólle van 't Limburgs Lidjeskonkoers 1998 in Wieert, neet allein op verzeuk van V.V. de Rogstaekers mer auch van Alf Poell van Omroep Limburg en de Stichting LVK (Limburgs Vastelaovesleedjes Konkoer).*

*Copperband Moorland stieet gerânt vör unne aovundj vól meziek en sjoow en dieezen aovundj hebbe vae auch nog wat ekstraas te beeje. Waat? Det zeeje en huurdje dan waal, mer gae kuntj in eeder gevâl getuuge zeen van un waerdig aafscheid van ut jubileumjaor van Copperband Moorland. De band bestieet immers 25 jaor !*

*Ut zoej muuegeluk kunne zeen detter nog minse zeen di-j Copperband Moorland nog neet kinne en di-j nao dieezen aovundj wul wat zeen in de band as mezikale invölling van eur eige fieesje.*

*Zeetj dan neet bang um vör informâsie tillefoonnummer 0495 - 53 05 64 (Jos Smeets) te belle.*

*Drek boôke moog neteurluk auch. Unne plezerige aovundj !!*

### **Copperband Moorland**

**Jos Smeets**

*Anemoonhof 28  
6002 WN Wieert  
Tilf. 0495-530564*



# ING BANK

ING BANK NEDERLAND



## STIENSTRA

MAKELAARDIJ B.V.

HEERLEN - MAASTRICHT - AKEN

*Classic  
kiss*



*Californian dream cars*

# ELEKTRO SCHEPPERS

Ontwerp, advies en uitvoering  
voor woning- en utiliteitsbouw



Postbus 950, 6000 AZ Weert

## hopmann liften nederland bv

SINDS 1883



ISO 9002



Erkend door de  
Raad voor de  
Certificatie